



02307

讀史亭詩集卷十四

南陽彭元述禹峰甫

五言排律

潭州寺 嘉魚下江岍

曉霧初開日春江受穩流酒帘出極浦漁市落新洲風  
轉孤蓬角人行古渡頭烏啼空啞啞鳥語自啁啁寺古  
袈裟在墻隕薜荔稠遙煙村與合香稻估爭收麈戰猶  
存壁飛仙不在樓客心值羈旅誰與送鄉愁

東岡

斷岍留殘雪空江帶晚霞蘆中魚網密天外雁書斜古  
戍金河驛孤帆漢口艤煙輕春入柳日煖樹呼鴉垂白

讀史亭詩集卷十四 五言排律

一

猶羈旅頻年在水涯戰功餘赤髯謫宦自長沙鄉夢同  
王粲文心媿木華長鯨睡正穩山鬼靜無譁杓泛巴陵  
酒甌餘南岳茶穿林來嫫母隔岍即村家到處宜看竹  
中田學種瓜穿籬雞樹柵夾道犢連車積貯多菱芡初  
筵但鱉蝦羹瓶充白釀柴擔湧枯葭山勢舊環楚江身  
遠控巴三湘方臥鼓百粵尚吹笳澤國新春月殘梅昨  
歲花嶼巖眠虎豹古寺動龍蛇跋扈從誰羨蹉跎我自  
嗟雲臺名未達銅柱願猶奢驅石嗤羸政補天非女媧  
草疑賦鸚鵡舟泊喚琵琶久被才名誤難言時命差澤  
觀雲夢澗水是洞庭遐日計故園草春生幾部蛙

輓孝源

大物歸炎嶠元臣老絕陸乾坤合板蕩造化一瘡痍佳  
氣春陵散颶風溟渤吹亂流失寶楫大事喪元龜所歎  
全軍覆難將一木支馳驅留馬柱涕泗下羊碑蠻雨凋  
鼓柱酸風苦荔枝纔聞置嶺戍無復渡瀘師憶昔會同  
熟他時或問奇讀書百紙盡學劍萬夫推曹植雕龍筆  
張公海鶴姿雲間或豎子文舉是佳兒策射洛陽日名  
成公瑾時連鑣薊北道痛飲大梁祠鸚鵡翻歌袖鷓鴣  
飄酒旗婆娑舞白苧潦倒聽黃鸝通籍當丁丑分符蒞  
大伾折腰聊復爾強項固難移花發潘何早鳧飛葉不  
遲黃麻鳩鵲觀白簡鳳凰池侍從每隨獺明良恥摘驪  
尚方劍許借溫室樹難窺白下驅星使潼關走鐵騎飛  
狐沙漠漠倒馬雪垂垂瞥眼燕臺折傷心寢廟危攀髯  
既莫遂騎尾又何之拓跋河陰禍廣明冤句悲臺城踞  
侯景凝碧醉王維典午還江表康王復水湄豈知厝火  
伏仍作處堂怡鼓角武昌下樓船溢口隨王敦原根抗  
蘇峻復猖披難使太真見莫教陶侃知蕪湖方返棹建  
業已乘陴不少韓擒虎誰稱郭子儀帝帷沈翡翠宮瓦  
碎琉璃青蓋眞將去歲星無所施彌天驕獫狁薄海縱  
蛟螭魂散麗人井香銷公主肌楸松劈鍾阜頊洞壓彭  
蠡日月方龍戰宗祊失燕貽烏衣空慘淡朱雀尚躡蹤  
指鹿人何去從龍徒爾爲公時在贛水開府仗軍麾豈  
不念更始無從效子皮劉琨勸進表庾信哀江辭蕭登

今焉往劉崇合在斯雲臺築嶺外麟閣起天涯坐惜蒼  
梧痛深慚佗尉噫哭應來百濟國豈讓龜茲洗氏方開  
廣黃公舊授圯揮戈仍仗義拭淚正交頤敢謂廟中鼎  
還同澤下麋雖聞讐國論不忘出車詩蕭鄧人猶在高  
光亭可比孫兵堪奮臂蠻女也操鋤樹亞枕榔小沙寒  
勾漏卑岑溪戰伐地博白霸王資江北聞張浚交南借  
孔戮龍城明翼軫象郡轉雍熙握手新亭淚臨風秋浦  
卮偷生牛首側避世九華屢嬾去不須櫛醉來時倒羅  
泝舟入漢汚遮馬見狐狸仲蔚蓬迷徑柴桑菊滿籬薄  
遊良以倦多病乃相宜不謂一行去旋當萬里疲負靈  
臨晉魏叱馭過雍司鄂渚歌黃鵠越山聽子雄誰能珍

馬骨世解妒蛾眉未及橋孫水翻來啜紫芝笠應還念  
珮蛇豈不憐夔敢擬匡衡薄致令延壽隨馮唐遭自晚  
李廣數原奇莫洗中山篋誰憐長信姬乍嫌遊洛陸爭  
似入秦睢自古侏儒飽曾聞季女饑已而莫可贖來者  
尚能追樂志論長統三都賦左思平原乘款段暇日采  
江籬自念身將隱何妨學並嬉看山雨後屐飽客露中  
葵置驛還千里悲歌戒五噫風塵雖已厭筋力未全衰  
往歲當辛卯鳴鞭跨九巖聞君忽不祿乃在粵西達葛  
相血空灑宗公恨逾齋江山忽憔悴歲月總支離真宰  
誠何意中原棄若遺嚴關摧虎豹舊夢脫熊羆坐看中  
台坼真同天柱虧鷓鴣啼斷續鴻雁影參差湘水空流

血南軍見戴尸枋頭報日至灞上捷無期白髮歸長夜  
紅顏捐翠帷一棺投故國九錫謝丹墀綵筆思鸚鵡  
冠想駿驥時艱方枘隍退食敢委蛇來鵬空傳賈嗟麟  
乃見尼旅魂應入漢舊鬼尚瞻淇靈氣歸嵩嶽陰靈捲  
具茨青蠅陪螻蟻白玉長蒿藜海內猶鳴鶴墓田驚吼  
鳴名山藏鼯鼠賜額待罟罟自雍門奏鶴將華表疑  
有兒堪官構一弟乃吹篴春甕獨難醉江螯誰共持法  
書開古塚佳句耀新黎轉使同人慕難言我輩私良朋  
成異物感舊倍淒其涓水寒流斷花洲百草萎黃壚人  
已杳白馬路仍岐十載霜窺髻今年雪陷髭堂堂雖羞綠  
野鳩好署辛夷雄賦原追馬君才舊勝不春衫踏紫陌  
寶馬躍金羈尚憶廣陵曲還思太傅暮長安車馬客猶  
自說皇基

讀全詩卷一四五言排律

四

丁酉四月汪徵五江防之蘄州客潭送之兼陳懷  
抱得三十八韻

送子逢初漲當尊發浩歌夏雲停白苧華髮照青莎燕  
子乳辭母郭公晴喚婆蠻煙迷岳麓山鬼跳湘波戰象  
環朱鳥胡笳嘯紫駝高牙新府第斷塚舊山阿江左猶  
飛輓天南未息戈髻推驕百粵華路帶諸羅鐵馬頻年  
禁樓船此日過通符彌冉竿捧檄下牂牁花戍屯貔虎  
銅官走鶴鵠炎荒方置吏盛世更開科陸賈心誠壯馮  
唐髻已皤伍曾羞絳灌罪久詈王何雞肋名空戀燕然

石待磨徒揮揚子淚未起茂陵疴逐客遊三楚龐官笑  
五絀鳴榔懷正則挾瑟弔靈城臺骨虛存駿宮眷解妒  
蛾嵩山芒底杖白雨中蓑不復任安至將無醉尉訶  
上書來紫極策杖度黃河談笑收雍閩旌揮定趙佗鵬  
鴟供宿鮓醴醪泛新螺君自乘華轂我方依女蘿爭憐  
俠骨減可愛旅顏醜勁旅甲藏兇晴江鼓息鼉竹樓還  
浙瀝赤壁故嗟峨建業千帆出荆江一練拖名僧匡嶽  
錫估客廣陵齏習俗連淮蔡遙威制沔沱鴻軒香浸柳  
龜渚綠生荷別賦魂原黯離筵舞欲傴烏聲山送管花  
發錦成窠落日聞鐘杵殘隍見石谿暇時多置酒入郡  
酌東坡

將歸里奉別經略相公

六月

聖主推輪日元臣秉鉞年三台開氣色萬里入星躔北  
關勾陳動南荒太白連再賡天馬頌重奏旅藝篇楊柳  
關河暗棠谿歲月偏彌疆傳漢節薄海見秦鞭露布芙  
蓉國鏃戈橘袖天虹霓明組練霹靂下樓船方叔猶元  
壯長源骨本仙舳艫供白粲帷幄吐青蓮令肅江陵鎧  
誠通疏勒泉洞庭纔飲馬西里正飛鳶猗女編黠髻烏  
蠻墾棘田海邦占斗至重譯指車旋孔雀增軍飭檳榔  
薦客筵精勤陶太尉幹略韋西川應見珠池媚兼逢火  
井然獠兵還易合燧象莫爭先融盡長沙鐵攤殘少府  
錢陰山名舊在背水法難傳部曲汾陽並旌旗光弼前

使應通鄩善樂合譜于闐令子追張栻阿戎復謝玄誰  
云杜武庫竟失馬文淵異姓侯王表專征斧鉞權金沙  
江浩浩銅鼓草芊芊鞮鞢歸王會梯航到日邊錦囊陳  
太廟羽箭繪凌煙好拭淮西石留爲韓愈鐫

未陽道中三十三韻留杜祠中

蒙茸山脚路杳靄入回谿怒石逢人上殘霞掛樹低牧  
兒癡狎虎春婦巧呼雞山勢誠如未水經注火耕猶借犁  
危橋閒翡翠斷嶺吐虹霓枳落人煙細楓香野徑迷蛇  
盤凌石級鳥道入丹梯画閣空梁燕陂塘卧野麝郵亭  
愁府主阜隸惱輪啼不少租庸吏其如老寡妻十年窮  
水旱萬里動鉦鼙時方計劍插百蠻外弓懸六詔西職方

讀峯詩卷一四五五卅卅

六

容保國正朔走雕題賤子來何暮驅車道轉睽朱陵搜  
玉簡白首悵金閨民社身無補圖書手自攜浮湘追太  
史陟嶽起昌黎病骨憐黃葉驚心負紫泥炎荒多舛互  
苗壘失端倪古尚鴝鷓叫懸崖蝙蝠栖垣衣隨意長石  
髮與眉齊嵐結蒼梧黯雨來柳水淒比隣垂橘柚往事  
築鯨鮑九峽蘭空發千章木共檣筍輿遊樹頂茅店出  
山臍疊嶂頻看畫危橋獨杖藜午煙嬌蛺蝶淺瀨浴鳧  
鷺霸業荊州牧神功夏后圭人餘盤瓠種地盡貢茅畦  
風物連交廣山川似會稽辛夷解作塢雲母忽成隄已  
自南車倦兼聞北雁悽遺踪詢杜老騎馬到招提

柳州蘇仙山

乍晴光瀲灩出郭望披離馬首群峰向車聲一葉吹宿  
雲擁古寺殘稻落深陂數點人家聚沿江岫木委柿紅  
何纂纂袖老故垂垂蛇徑盤松上猿吟傍欄移餘樵留  
楫杻壽樹學躩踞洞壑森無極煙嵐竟有知諸巒走似  
豆偉木縮如薺草沒前朝寺蝸吞無字碑懸崖石欲墜  
絕壑攫爭窺廢壘王孫塚英魂楚漢疑佳山誰命酒往  
事付彈碁不見仙人鹿時看澤下麋炎荒窮戰伐薄海  
尚瘡痍苗壘衣裳古山禽毛羽奇星躔翼軫盡地與粵  
甌期遺種傳三戶鄰封跨九嶷百年王會日一統計偕  
時不盡鄉關念臨風感在斯

石鼓留別同事

讀史高詩集卷十四 五言排律

七

傑閣憑江立春晴送客行三年容薄宦萬里此長征舊  
草當軒發殘霞入座明帆檣吳楚雜窟宅獐猥橫禹德  
惟存水虞巡尚紀衡草橋遺斷鏃燧象抗前旌虎視猶  
南徼鷹揚自北兵血流香水暗骨積藥山平古渡殤魂  
斷沙場綠草生名王今解甲上將已連營歲序還如昨  
山川見幾更昆明方飲馬嶽麓忽聞鶯留滯嗟嗟雙髻飄  
零感去程廟謨崇略地時事每呼庚未逐蕭王駕誰開  
光祿城却憐朋酒意難尉別離情

辛丑夏日自滇入粵過沅留別袁中丞

半生嗟塌翼會已失東隅落拓山公被悲涼阮氏途上  
書強逐客著論老潛夫歲月雕蟲技行藏轅下駒未能

忘竹帛豈不厭葫蘆管樂名雖忝風雲志未孤上書紫  
極殿鼓柷洞庭湖上相親揮鉞中丞歛佐樞封章排帝  
闕傾蓋拔泥塗衡嶽朝飛雁牂牁夜渡瀘五溪連越雋  
萬里走蒼梧華饌羅肥羜金尊倒夜烏南荒遺小腆上  
國誓蒸徒戍卒當瓜代儲胥慮癸呼千帆輸白粲萬馬  
過流蘇漏箭傳鈴閣邊籌貯玉壺烏蠻安部落紫犛保  
屠廡已讐山魃窟還披猓國圖菁茅今入貢蘭芷不曾  
無擊汰空明見浮湘縹碧殊常年依大樹感遇愧微軀  
握手沅江月離筵響鷓鴣

辛丑夏五交趾來歸西粵于撫軍享之慎德堂即  
席有作

讀史堂詩集卷十四五言排律

萬方歸正朔平秩到南交漆齒今來闕雕題解貢茅便  
開九郡路還覆百蠻巢陸賈腰間壘文淵馬上饒戶移  
人就日珠走淚成鮫瘴雨龍人黑炎風蜃氣拋嶺南方  
節度鞬國莫咆哮貢入鴻臚館鮮充光祿庖中丞初仗  
鉞邏卒正鳴笳火浣文堆錦橦棉浪疊蛟豹胎隨意饌  
鳳管入雲豬榴燄纔薰閣蒲漿更滿匏鞮行省醉宮  
徵碩人敲椎髻裝難解殷盤語最聾羽干還作舞地水  
忽成爰臣妾連他族侏儻奏近郊上方來蒟醬西極獻  
蒲梢前此黎陳亂邊陲士馬虓負嶠匪一姓問罪有二  
苞竟使朱崖棄誰云漢葉包 今皇真崛起殊俗敢紛  
呶喙駭終當息跳梁不用勦越裳如有問四海竟同胞

虞帝祠

度嶺來西粵荒祠拜有虞松杉纏水澗俎豆切城隅歌  
逐南薰散風吹大麓孤空檐時掛狄老桷只棲烏方岳  
猶中土璣衡入舊圖蠻沙迷玉琯邊月照金樞路入三  
苗國榛開百粵塗鴛鴦存古瓦楠柚滿平蕪玉輅巡應  
歇湘妃淚欲枯灑江如瀉汭蒲坂修蒼梧廢井森葵兔  
殘疏骨網蛛風煙九郡外猺獠萬山徂丹艸青苔落翠  
華山彪扶乾坤留揖讓歲月老笙竽協帝垂堯典傳賢  
振禹謨零陵思傲弟蒸爨幾躊躇

再過鐵鎖橋

順治十七年予以滇  
藩來遊關甲辰再至

黔道原通楚岷流不會滇陣雲奔似馬竹箭激如弦地  
是華彝界人居要害邊我 皇開國日式廓啟疆年羽

讀史彙詩長卷十四五五品并序

九

檄分三路星河捲四川六軍懸鍊綆萬里度人烟不謂  
馮夷怒翻成海若愆蛟龍失故性金鐵化重淵叱馭來  
危棧掄材倒絕巔經營何慘澹結撰亦高騫不借四維  
力獨尊八柱權鑿空崖失險午貫木相牽長放烏蠻路  
還開尺五天遠臣應有頌再進白狼篇

七言排律

舟發全州北歸

南來匹馬冬之日北發扁舟西粵城一抹青螺雲母色  
千林曉瘴鷓鴣聲鼓篋夔夔溼衝雲出小艇簔寒破浪行  
敝屣溪邊蠻窟女短衣道上朔方兵高春日下催歸騎

孤枕江聲對夜檠官吏黃頭充驛卒人家烏鬼代漁丁  
連旬陰雨江身濶一夜順風山脚晴老婦匡牀儲白米  
奚奴頓鉢啜黃精臘殘樹杪還存葉霜薄花枝未落英  
魚鳥仍應忌子厚虬螭且莫侮真卿

涪溪中興  
頌魯公書

懸崖石鏡

何年置絕頂丹壚誰所撐蒼蘚寒流吞碧笋霜皮古木  
帶朱櫻橘移江北從難變雁過衡陽且自征妃淚不隨  
湘水竭韓祠又見嶽雲生書成金玉闕神禹紉纈椒蘭  
見屈平火赭競傳嬴氏樹樓船舊是漢家營炎荒徼外  
存君長苗壘江邊歇鬪爭沙上短狐常射影山間野鳥  
自呼名冬天雨作夏天漲一日舟兼二日程風轉鷓鴣隨  
波九折渦盤龍睡月三更艖中載有鴨夷酒手內時持  
兕角觥小菜百錢欣可買鮮魚半尺况初烹新來病婢  
能拈薺舊畜蒼童解弄笙娛客何頻來翡翠長鳴不去  
是駭騎風塵兩髻留南國書劍頻年老上京杜甫浣花  
空滯蜀仲宣作賦尚依荆門非乞武冠堪掛山是鹿門  
妻可耕五世韓恩終未報七朝秦哭竟無成匡扶有願  
思王猛官爵仍書異許衡鼓枻已臨洞庭渡前塵共識  
夜郎旌數峰青處聞湘瑟不斷香來是杜蘅掘閣衣裳  
猶楚楚荒林笑語半猩猩一王鹵簿黃金用五等諸侯  
白馬盟久客梁園雪屢賦纔離楚席醴方醒前來漢上  
垂楊綠此去瀟湘落葉輕到處江山成慘淡爲看歲月  
復崢嶸茅齋近倚三花樹萼繪長懷千里羹壯志不勞

嘲斥鴳春犁好自聽倉鷓

弔王文安公

有引

先生以壬辰年春下世某哭其里詩文若干首  
閱今年乙未予薄遊京邸往晤次公藉茅太史  
方督石工爲先生鐫所爲詩誦尺牘之類俱屬  
先生流傳舊交家者藉茅歲月微之付石此真  
書冊栝棧意也可謂孝矣予再三讀掩袂黯然  
念予得從先生遊二十年受先生獎拔不遺餘  
力今某鍛羽日久泥途莫振使先生而在某寧  
鬱鬱久居此耶歸栖蕭寺孤燈寂歷爰譜平生  
潸然流涕

讀史詩集卷十四 五言雜律

十一

病骨闌珊倦不支  
客心憔悴淚空垂  
十年車馬長安散  
萬里荆榛孔道危  
憶昔連鑣吳會日  
方纔投刺孟津時  
詩傳張鎬鬚髯異  
史著虞翻骨相奇  
博望槎凌牛女石  
响嘯篆勒祝融碑  
微言半吐真河漢  
奇字剛成薄鼎彝  
鐵騎此時傳上黨  
黃巾遍地走清淇  
泥沙梁苑無乾土  
風雨穀陵復喪師  
倒馬關前人不度  
飛狐嶺上鬼相譎  
左或叫於大廟謹語出亂流莫憶筮篋引  
疋馬時聞感粟吹  
燕子巢林傷濟水  
桃花飛路黯臨淄  
空聞丞相裴中立  
未見將軍郭子儀  
江上青袍春草色  
驛前白馬濁流澌  
叵羅淚對廣陵酒  
襖褐晨裁瓜步詩  
篋廬吳中良自苦  
掛冠神武不須疑  
角巾半在西湖曲  
垂釣擬臨嚴瀨湄  
不謂大行

皇帝去忽教天末老臣悲清談舊薄王夷甫險阻還遺  
介子推六代都空龍虎氣長江水涸鳳凰池可知天意  
渾南北又使乞工失柱維鄂渚征輦猶未息中原戰壘  
已相隨荆南自失岑文本關內忽來江總持捧詔兼行  
秦蜀路登封正屬夏秋期孤筇直躡蠶鼓險九折寧辭  
鳥道欹杖底青龍分華掌囊中白雪鬪裁媚歸來一棹  
滄浪岍訪我雙扉白水陞短髮頻催燭武老久遊今見  
長卿疲郵亭蕭械深相念杯酒殷勤不忍辭藥裹猶臨  
少伯寺星輶好付大堤醫時先生病甚子令楚醫徐陵虛隨北誰知一別馬南  
郡何處更尋蕭望之憶得辰春風雨夜夢中少保障琦  
姿先生沒日猶見夢為我徵序慘然而別會將舊約徵乞晏頗似當年說項斯

讀聖詩集卷二十四五言雜律

十一

渺渺千山暮鴉路悽悽二月杜鵑枝台星芒黯司空第  
大鳥飛憑太尉祠遮莫於今感逝水飄零猶復困通達  
中山滿篋誰相問息壤尋盟敢自祁譽至何能達左右  
侯封枉是到偏禪立功不少甘延壽直達難稱皇甫規  
師說予慙稱大弟父書今見有佳兒即看淮水流如故  
舊識烏衣巷不移禹穴藏書真玉簡汲城出土是元龜  
會稽內史蘭亭帖東觀中郎黃絹辭片石寒陵堪共語  
千金秦市未能窺陳倉敗鼓苔空蝕洛下殘經字已隳  
此物應同天地老靈文自有鬼神司

桂陽道中詩

有引

行桂陽山中間關五六百里聊書所見兼用遣

懷得三十六韻

柳陽左轉路崎嶇地盡東南楚一隅山出雲根能向背  
松生石脇任榮枯千林韃鞬諸靈過四壁陰森怪物趨  
奇羽歸巢驚孔雀腥風嘯壑駭於菟蒼藤蛟股花鐫臂  
老柏龍身甲滿膚積雨苔生侵古路暗泉響細入僧廚  
澶迴幾似禪中虱促刺還如轅下駒雲鑿巒形成杵白  
沙明石子盡擣蒲樹腰蛇徑危如棧竹頂蜂房大似壺  
途值王尊堪叱馭夜逢李廣定彎弧群峰乍逐秦鞭起  
小邑空環楚廟蕪王服荒寒窮鬼國帝魂縹緲接蒼梧  
棲雞向夕紛投堞即鹿充庖不借虞鐵鼎環俛炊橡粟  
瓦盆時復倒屠廡弩機解禦鄰山寇屬布新交縣吏租

讀文憲詩集卷十有五言排律

十三

頗似井陘難禦馬恥同白帝更稱孤車書新自連交廣  
風土由來滙楚吳窪下車輪能喫雨懸崖瀑布舊噴珠  
沉牛頭角堪撩虎狸竹腮髯欲假狐果熟荒林猿引隊  
草封土窟雉將雞徭官画鼓婆娑舞蠻妾羅裳錦繡鋪  
落葉踰躑如亂蝶長林浙瀝響飛颺水成磴磨當村口  
稻作衣裳裹樹軀不少金沙稱佛地况多蠟壑是仙都

志云九仙二佛出其地

種傳槃瓠攢香火祠重文淵走覲巫羅列兒孫

何可辨掩來肺腑豈相誣一官留滯嗟南土十載蹉跎  
笑腐儒攬轡自遊荆楚地鳴榔幾過洞庭湖初心滅沒  
仇三徑往事悲涼憶五銖豈謂亡羊同挾筴曾因操瑟  
悞吹竽人情舊識三危險仕路還同九折紆關內爭傳

王景略江東竟失管龔吾樓船乍可歸楊僕節度還看  
笑鄭愚可奈風煙摧瘴癘不禁鄉社憶枌榆窺身蠻岫  
垂垂老點髻秋霜冉冉枯欣報前驅開箠弩盡收空翠  
入檐榆

廢邸梅花

予官粵無公署以邸傍別業爲治所老梅一株  
逢時而發約友人醉其下

鐵骨猶然傍舊廷歛驚白雪帶枝青關山何處吹長笛  
消息居然到短亭庾嶺開花仍異候羅浮有夢只初醒  
昏黃雀啅浮殘月惆悵蛾眉憶小星曾對歌臺幾爛縵  
卻教香閣妒娉婷碧玉樹今搖落石馬金仙剩典刑

讀史亭詩集卷十四 五言律詩

十四

公主粧成傳激盪法曹勝事未飄零海棠欲醉魂先失  
霓羽詞高唱莫停上苑風光還歷歷日南瘴雨自冥冥  
折來如對珊瑚樹欲挿何須玳瑁瓊瓊楊柳腰逢無意綠  
芙蓉面遇懶成形同稱姊妹無如趙獨當君王我姓邢  
真見藐姑來綽約果然老嫗產靈馨  
劉夢得詩幾人雄猛  
得寧馨寧作平聲長  
門歲久庭飛絮曲檻宵閒草化螢萬里一官同泛梗十  
年百粵感流萍婆娑老態憐相似歲月遷流愧屢經遮  
莫歸來餘舊侶孤山佳處鶴梳翎

讀史亭詩集卷十五

南陽彭而述禹峰甫

五言絕句

紫金山

畧記曩時路跨驢來此山白頭老道士采藥不曾還  
曾聞賈學士讀書此洞中豐碑不可見暮鳥但呼風  
廿載曾遊此山門晚照孤黃冠何處客猶此種葫蘆  
雙鶴巢飛觀山雞叫墓田羽人空世外金碧是何年

獻廷庄

雞豚散平原禾熟田家釀晚照入羣峰山色全無恙  
金丸彈野雀飛鷗搏狡兔天上下將軍湖南傳露布  
風急丹江岸葉下禹山麓白雲擁車輪尚有老蝙蝠

別山辭

江北燕子來江南春草發錦纜萬里行送君入西粵  
紫金花正開二月天氣熱楚山多鷓鴣莫認是百舌  
陌上麥青青別酒與君酌近日湖湘南解烹紅羊酪  
有客去南方扁舟入漢沔欲寄長沙書中宵幾輾轉

肅州曲

玉帳臨河魁將軍出天上勒馬崑山西蔥嶺平如掌  
我讀西域志南詔接土蕃 今皇好遠畧莫閉玉門關  
都護入河西大旗閃隴右部奏龜茲樂云是漢甥舅  
秦皇城下骨傳是戍邊卒黃沙迷歲月鐵鏃痕未沒

隴山嬌鸚鵡花門走駱駝神禹真多智中原無黑河  
蕭蕭黃葉下萬里羅征塵離觴好共把酒泉不醉人  
翠鞋出大漠飽食黃羊肉至今燕支山猶聞婦女哭  
莫笑趙充國欲屯塞下田今日屯田使次第到絕邊  
騎馬臨甌脫試問受降城古來何南地歲久無人耕  
邊襟回紇種毛毳作氊屋枸杞赭如丹爲我寄十斛

### 錦泉亭

孤塔雨呼鳩層城風急隼杏花飛雪片况有春蝶引  
兩年不到此今攜客手登關西都護淚日暮下三升  
將軍手植栢半膏健兒斧斜日孤亭上腥風下童殺  
野鴉掠僧舍紅陽漲墓田頽隍一片石云是漢家泉

### 小飲廢寺

荒堦留短碣幢影散諸龕雒陽秋草後誰與記名藍  
栢屑磨成香榆錢煮作飯門外無人聲梁上空巢燕  
老去頭空白十年罷一官初衣問佛祖好上雨花壇  
武當斜日裏倚帝北城來山色全無改芙蓉萬古開  
巖有太古雲寺無十年樹牧馬荆榛中煙寒樵唱路  
萊公祠上酒范老花間雀西夏與澶淵丹青照寂寞  
麥花蕩薄暮竈土入新田瓦礫千家哭殘魂戰壘邊  
外郭築金帥建威襄樊城李綱若見用此處是神京

### 滇中曲

庚子七月

送爾芝岡去金商動早秋關山人萬里馬首鷓鴣愁

武昌城外柳並纒過南陲蘭且梧梢月那堪更別離  
湘流無限恨展轉四年中何當西海上羅袂泣秋風  
無柰巴陵去昆彌別舊遊征人腸斷處落月滿西樓  
老淚癡難下消魂送爾歸衡陽還有雁莫遣信書稀  
關嶺躑難過鐵橋仔細行重陽風雨近屈指計歸程

辛丑中秋胡德輝白堂小集

暮聲敲落木酒氣入殘霞分付今宵月浮雲且莫遮  
五嶺寒初到九疑青欲來宦游何處客同上粵王臺

桂林新月

嶺外纖纖月半規帶晚霞今宵歸夢裏踏月過長沙  
畫角荒城暮天邊早掛弓遙知西海上兵氣銷空峒  
客心倦遠遊月態乘新霽愁人關塞老妾夢香闈殢  
故鄉十載別嶺月莫相訕團圓自有時試問北來雁

灕江晚照

落日吼楓林殘霞亂瑰瑋城闌暮鼓鳴估楫猶御尾  
蠻風冬日勁亂石江流緊短景駐斜暉赤城吐碧筍  
落日灕江上芙蓉映水紅征帆南北客鄉心羈旅中  
裔土日光瘦崦嵫對海涯離愁天一角十月見梅花

七言絕句上

乙酉春寓池携兒輩登古芝墩是日清明望北里

遙拜愴賦二首

堤柳搖風陂麥斜平天高塔隱朱霞春思踏籍入秋浦

不見昔人空杏花

綠波曲曲繡城隈  
寒日驚心風雨來  
艸沒芝墩篝火夜  
水車嶺上白猿哀

池陽

秋浦緋桃古院飛  
三年遊子未能歸  
鄉愁緝結終天恨  
望斷江南慈姥磯

去年

去年迎母拜茲村  
芳草郵亭護短垣  
誰道板輿成旅襯  
枯楊十里餞歸魂

憶舊

春花春草憶仙臺  
淚洒征衫樹底梅  
斜日秣陵桃葉渡

讀史志詩集卷一五七言絕句上

四

北鴻莫帶晉雲來

鞞鼓聲喧野火飛  
綺羅無計出重圍  
春山峽底鷓鴣夜  
憶爾踉蹌歸未歸

底事塵飛萬慮慵  
芳幃戍削舊芙蓉  
汾陽橋上楊家妓  
惱殺春風妬殺儂

九江中秋

潯陽渡口水潏潏  
少府金錢此抱關  
霜飽蠓螯持對酒  
娟娟江月醉廬山

五年故里失中秋  
湓浦今宵覓酒樓  
城郭兵殘灰劫後  
琵琶無淚濕江州

東南烈焰左家軍  
粉堞灰殘淡夕曛  
莫向靈光侈魯殿

武安祠宇未全焚

馬公洲

三月楊花處處飛  
平田麥浪溼征衣  
郢城舊是山陵路

可有熊羆守翠微

與都陵衛在今安陸府

中湘曲

戊子九月十日焚國重陽已三度矣

驚魂舊夢憶黔州  
消息難傳漢水頭  
前日長兒舟北發

此時應過岳陽樓

家口尚儻寓漢陽

王渠湖北響鳴笳  
陳賀湖南亂似麻  
乍喜徐君來寄語

前軍今已到長沙

王有弟第亂襄樊

南來計曳武昌船  
湘上逢秋又一年  
因對茱萸思故里

茱萸河在鄧西偏

讀皇聖詩集卷十五七言絕句上

漢口曲

六年三月初九日罷官歸里

葦墻茅屋自成村  
岸拍桃花江水渾  
自笑五年江上客

從茲免得賦王孫

長沙曲

丁亥秋戊子巳丑及此番奉徵凡四至長沙

雨聲木葉古潭州  
景物蕭疎動客愁  
三載南遊四過此

緣慳未上望湘樓

傷情無奈是長沙  
故老空傳十萬家  
怪鳥聲喧蒼鼠夜

忽聞幕府動琵琶

文牕綺閣鎖明璫  
鐵騎風吹下水航  
倚徙粧臺思曉鏡

梅花依舊老東墻

繡幃錦幕帶朱顏  
萬斛離愁未許刪  
夢裏黃州今夜月

飄零秋色一凭欄

榮王舊邸

鴛鴦瓦碎雉朝飛無復呆  
舊舞衣爭向臨春臺上望  
黃柑歷歷雨初肥

池塘寂寞石臺孤日暮西風起  
鷓鴣不柰管絃人去盡  
叢篁客淚憶金鋪

鐵騎風鳴動鼓鞶後庭老樹散  
烏棲傷心莫話前朝事  
十萬樓船過粵西

荔枝老去杜鵑紅遮莫年光入  
舊宮淮南山子梁園雪  
一樣回波解向東

碧溪巧傍石床開翡翠樓頭鸚鵡  
杯金鎖消沉銀燭冷

薜牆螢火夜飛來

牂牁東下水云云桂樹婆娑霧  
雨昏金雀銷殘羅綺盡  
獨憐獅子倚宮門

雜詩

時赴定南徵至長沙未果行歸  
抵武陵作己丑十一月十五日

南國紅粧北紫駝胭脂取次渡  
滹沱琵琶空憶漢宮月  
近日黃沙青塚多

漢上口號

漢水三百六十灣襄陽東至大  
別山堤下垂楊連屋綠  
二月行人馬上看

三月南征二月歸隔年兩見杏  
花飛沙陽燕子莫相笑  
今春客似去春衣

九龍贈寒濤

天門南下卽層城况是新秋秋月明鄉夢欲成難伏枕  
空山夜半老龍聲

樹王

霜皮百丈矯青霓枝葉扶疎星漢低再過千年不可料  
安知不與祝融齊

九龍盆

暗泉深樹碧琅玕杖履峻嶒醉石壇兩次不登方廣路  
逢人羞說九龍灘

別破門

菜畦茶竈與繩床半百癡僧鬢有霜錯怪谿山橋上月

不能送汝過衡陽

讀皇詩集卷一五七言絕句上

七

南山萬古老雲屯纔下天門卽破門秋夜不聞谿水靜  
陰崖石磳伴黃昏

明朝勒馬去衡州北望山雲木葉稠下火場中門早閉  
松邊石縫海棠秋

衡岳路

秋深秔稻馬頭香竹裏雞聲度短牆師古橋邊南岳路  
重來誰識舊彭郎

祝融萬丈卷晴霞霹靂泉聲盪日車若使銀河通此去  
從渠一借斗邊查

郢上

漢陽城北鐵門關飽酌碑渠醉白鷗好借黃頭為寄語  
五年十看鳳凰山

建利道

平湖彌望草如煙人在蘆中來刺船五尺沙棠輕似葉  
消沉風月是長年

四過岳州懷舊

唐寅

把酒行觴意未休淑元昔在岳陽樓無情此日君山廟  
不遣行人到上頭  
匹馬磯頭布穀聲巴陵有酒舊知名欲邀昌老同今醉  
可惜岳陽樓未成

自粵歸二月晤丁二字師開元寺

讀臺詩集卷十五七言絕句上

虛堂簾影茗煙微屋角蒼松大十圍試問繩床風雨夜  
幾番龍攫老僧衣

聊園

踏遍三湘又五谿今年纔到鄧城西鄰牆老友深相念  
牀底鴟夸手自攜

空園濁酒對山樵極目荒城木正凋却憶桂林前歲月  
雪花今已綻梅條

同馬雲孫西城

殘郭春田燕麥肥隔牆二月碧桃飛山僧薄暮不成醉  
但看棲鳥將子歸

百里頻煩下澤車深春薄雪一燈初等閒記得南塘路

楊柳青青夾短蔬

柳絲孃孃夕陽低酒後歌聲憶大堤萬里蒼梧催短鬢  
多情今到紫金西

送侄來太以忠以義歸江右

孤筇從未到匡廬赤岬潮頭識面初十載故人頻念汝  
恐妨五老問來書

彭蠡原是我家湖萬頃玻瓈入畫圖此去翻君應有問  
春陵王氣舊南都

吳頭楚尾去來賒醺酒東郊散曉鴉舟去潯陽莫繫纜  
夜來恐有舊琵琶

清涼寺書似納川

讀高僧集卷十五上言施句上

九

十里孤峰古渡頭崢嶸遙見舊鐘樓山花滿院經堂寂  
新雨長林喚一鳩

短牆賸有玉簪花愛客花前霍六茶廿載兵戎說不盡  
老僧指點舊袈裟

隨西道

馬上羅披漲水渾蓮花初湧一峰尊南天門外留雙樹  
歸窠斜陽帶雨痕

百折千迴止此河玉虹何事戀青螺纔歸江漢即東海  
不及故山知已多

官潭未已即安居河伯不勞遮使車南去蒼梧將繫馬  
遣君先報洞庭書

隨處得名亦偶然不應占盡楚山川  
黃河近日聞東徙白馬空傳漢武年

漢上曲

魯山脚下數歸鴻萬里長江瞥轉篷  
漢口商人廣陵曲隨風捲入大江東

五年慣食武昌魚南國諸生立雪初  
一自扶風冷絳帳康成東去意何如

漢口夜半起笙竽畫鼓樓船手擣菹  
二八女郎爭送客趁風好過洞庭湖

漢陽城外喧鼓鞀平明直至日脚西  
隔江驛館人不睡漏下初更雞已啼

哭孟津

壬辰三月二十日  
五首

讀聖詩集卷五十七總句上

十

三月春風到洛陽飛花如雪滿垂楊  
嵩河元老今凋喪無數寒鴉遶北邙

一代文章千古身金華殿上舊絲綸  
遙知奎宿歸香案此後光芒照孟津

落日荒城晚照低楊花柿葉雨離迷  
愁絕擬山園裏樹錦駝飛盡子規啼

瓜洲行艤暮春天剛遇艤艮潞國船  
流血江中欠一死至今猶憶甲申年

踈狂久與世相嗔唯有先生愛我真  
筆硯欲焚還戒酒空山夜雨獨傷神

汝州西溫泉

草邊羅綺浴蘭湯  
客路香風襲汝旁  
粉黛東流無處所  
泉花結乳水蜂狂  
沸鼎連珠水一灣  
餘波常得傍紅顏  
上皇老去江山在  
不爲楊家洗玉環

襄陽道中

夙醒未解即征塗  
回首襄山日未晡  
黃橙垂垂紅柿落  
一村烟火鄧家湖

隆孫園

秋日隆孫滿院香  
呼觴贏得主人狂  
猩紅練白偏多種  
柰是黃花不見黃

讀史詩集卷十五 七言絕句上

十一

猶記髮從寶慶白  
幾回魂向洞庭銷  
爭如故舊床頭酒  
爛醉騎驢過小橋  
的的秋花明別墅  
垂垂霜柿滿東隣  
不道繁華零落盡  
此間尚有避秦人

對酒口號

癸巳四月二日

投劾歸來已四年  
終日乞身過酒泉  
當時燕子還相念  
仍向東樓覓舊椽  
傷心何忍問宗人  
化作丙丁亂後塵  
麥田閑看棠梨樹  
依舊飛花到北隣  
殘堤楊柳不勝春  
飛絮年年憶主人  
山河最是無情物  
愁向乾桑問紫宸

再哭王孟津

癸巳三月

長兒新自孟津還為道尚書已卜阡桃花雨落嵩山暗  
石馬長嘶古墓田

從此千年不復朝暮雲常自鎖巉峽垂楊三月難為綠  
一片飛花覆野橋

馬首三川但落暉桃花梨花雨霏霏千年華表北邙月  
夜半訓狐成隊飛

水哉行

鄧文明河去城十里有渠為入城路水漲輒入  
城環流如帶土人恃之曰寇來且如此水何或

曰是風氣所關也為作水哉行

癸巳五月

讀皇華詩集卷一五七言絕句上

十一

五月八日大水來四城水道一齊開幾畝菜園飄沒盡  
白龍直上釣魚臺

寒烟歷落半瘡痍地接西山羣盜窺懷州戍卒都無用  
此水賢於十萬師

果然海水化桑田大地奔騰十丈泉却憶黃巾覆鄧日  
河流偏竭破城年

和少室林於軒詩

憑軒聊自酌礮礪滿地松苓手自鋤小徑苔痕連雨綠  
可容屐齒過吾廬

憶從嶺表卜幽居萬碧琅玕擁綠蕖今日故園亭子下  
丹霞山色較何如

蓬門蘿月冷桑樞屋角屯雲堪自娛官米爭如藜藿好  
古來飽死是侏儒

花間蝶夢與蜂鬚長許身為山澤癯十載將離開已遍

東臯且莫種文無

當歸名古今注  
將歸贈以文無

夏園暴水長東郭雉堞參差老鸛呼并日一餐脫粟飯  
有人誰解在菰蘆

小院桐君對木奴榴欄恰好署屠蘇近日長門不買賦  
千金誰賣到成都

### 湍北庄

廢池舊堞更無隣布穀墻頭喚主人此地往年曾戰伐  
鬪饑夜半泣青燐

讀史詩集卷五十七總句上

十三

田父場中新麥飯刺麻罈內舊蘆筒翟門久已堪羅雀  
怪爾排衙鬧蜜蜂

### 臨湍道中

噴岼山色酈陽城乍見芙蓉雨後明日暮老烏啼斷壠  
冠軍元是故侯營

### 香巖園

看山百里踏青鞋十步泥塗九水涯可柰梧桐葉漸老  
桂香風雨鎖高齋

綺疏怪石對城隈四壁圖書共酒杯却憶商州許副使  
故園幾見海棠開

萬山秋雨石粼粼燈火長千古渡津酈陽濁酒關山月

我在君家君在秦

長華齋

癸巳八月

雲根秋氣滿菰蒲水意戎戎白露孤幾日歸帆木葉下  
客身常在洞庭湖

仲秋開元寺話秋陽僧

瑟瑟秋風病葉多霜池煙草亂菱荷老僧莫問前朝事  
十載中原走駱駝

秋陽僧談先君讀書處

參差古瓦槐安國藍縷袈裟見爾曹芝草飄零螢火黯  
一番涕淚對蓬蒿

同麻英武飲開元寺聞寇警

讀吳全詩集卷五十七言危句上

十四

秋煙曩屨鎖琅玕古殿風來半夜寒聞說鄖西銅馬亂  
寶刀如水帶星看

豆婆家

邏城東南婆在金元間以  
豆豉療瘟人德之為家

鼯鼯窟穴老狐窩寒雨秋風怨女蘿人間將相累累家  
不及荒原豆豉婆

百花洲

為范相遺蹟

夕陽白草照芊芊蕩盡百花五百年剩水殘山秋一碧  
蒼鷹飛盡老狐眠

開元寺

累累念珠一磬幽秋瓜磊落滿墻頭低眉細說皇明事  
辛苦從軍到岳州

春風閣舊址

傑閣崢嶸想像間  
臺隍流水自潺湲  
姑蘇人去千年後  
魂魄猶應戀此山

送人之官雲間

紅陽草色映春袍  
萬里雲天一雁高  
不恥江東問米價  
而今國計正須漕

五尺沙棠萬里蓬  
客身二月見征鴻  
此去若逢孫校尉  
問他年少定江東

金陵鐵甕勢崩奔  
浮玉峰高接海門  
好借便風凌建業  
何須江北晤王渾

東郭離筵春孟初  
憑君好寄五茸書  
莫忘常年脫粟飯

讀聖堂詩集卷十五言絕句上

十五

一朝飽棄四腮魚

甲午夏張將軍予告歸維揚

聞說將軍解印歸  
血腥纔自出重圍  
廣陵瀑急如銀箭  
好爲君侯洗鐵衣

夜行襄陽道中

馬頭蟲語頻呼夢  
水底螢光乍誤星  
楚竹煙深山鬼睡  
忽聞古寺一聲鈴

襄陽贈趙僉事鄖陽雷滑

萬山深處著鄖城  
羽檄經年鼙鼓聲  
昨日將軍戰房竹  
平吞賊壘正三更

穎然僧話雨中

小園二月花垂垂斜壓三枝間兩枝恰喜大堤僧見訪  
正逢穀雨煮茶時

涼州曲送麻英武將軍之官肅州

軍鋒旗鼓出函嶺知是歌聲第幾鏡却憶隴頭腸斷處  
梧桐落葉滿西郊

關西上將報新除白帝霜寒玉露初塞外歌兒回鶻隊  
將軍笑擁讀兵書

鷓鴣浮鶚帶霜熒萬里西涼靖不庭飲馬今看青海外  
戰袍一洗向來腥

一葉金風白水秋送君今過隴西頭姑臧戰壘斜陽外  
九月健兒青兒裘

讀史高詩集卷五十五言逸句上

十六

新磨寶劍斷吹毛况是西征秋氣高好酌酒泉酣戰士  
分甘不用更投醪

客去咸陽過便橋離筵帶雨倍魂銷古來偏霸涼州外  
勒馬西河問隗囂

人散荒城醉曉鴉暫邀秦女奏琵琶此行好聽梁州曲  
二八湖姬薦乳茶

豪猪韉子葡萄觴白草黃雲塞外霜漢使從來天廣大  
甘陳姓字在西羌

崑崙山勢鬱嵯峨城外關門帶黑河蘇李人間多少淚  
淚聲都是河梁歌

老病年來不出村逢君爛醉幾黃昏那看遠向陽關去

寂歷東臯又閉門

南陽送巖犖之桂林

秋草離迷博望城，斜陽驛路馬蹄輕。可憐杯酒春陵月，

又向瀟湘盡處明。

桂林爲二水源

木葉寒臯玉露肥，送君白水淚沾衣。賜環有日來天上，相囑還從此路歸。

難別高堂二白頭，孤城萬里一帆秋。河東司馬今誰是，肯把龍城易播州。

巖犖內名

聞說丹書下玉墀，老臣萬里拜綸絲。遙知聖主蒼生意，不似長沙召賈時。

讀史余詩集卷十五七言絕句上

十七

紫閣飛來白水春，雲霞五色擁蒲輪。求才天子臨軒

問，莫謂相如是酒人。

別賦未成魂暗消，遊裝北極馬蹄遙。近來燕趙還歌舞，

知醉邯鄲第幾橋。

贈雲間畫師

西窗一夜颯梧桐，雨氣芭蕉響塞鴻。忽憶鱸膾江上客，憑君爲我畫秋風。

種瓜十載自青門，四壁烟嵐雨氣昏。便遇王維難下手，

安知不是輞川村。

潦河柳翼明

迎風苴蔻帶垣斜，茅屋潦河環幾家。賸有床頭經歲酒，

秋來醉摘故戾瓜  
長干且爲駐征車  
鳥語蟲聲滿舊廬  
棘裏銅駝君不管  
清時恥上太平書

乙未春初訪朗然慶祥寺

陌草回春一徑幽  
紅崖古水自林丘  
僧房寂歷黃楊老  
十載登臨感舊遊

黃昏鐘磬鎖莓苔  
何事山花尚未開  
白兆峰頭人臥嬾  
錫飛纔自棗陽來

乘酣出郭便忘歸  
獵騎平原野獸肥  
古寺尋僧僧更少  
斷橋流水帶荆扉

浮名久自厭風塵  
兔角龜毛未有因  
跌坐山中還薄暮

讀皇詩集卷二十七絕句上

十八

不知舊是浪遊人

至正寺

春寒白草宿雲多  
破寺牆頭舊薜蘿  
自笑半生方到此  
名山何怪易蹉跎

山犬狺狺惱客過  
金元遺碣上青莎  
斜陽掩映經聲出  
垂柳烟寒苦菜多

同友遊南寺

五斗宿醒猶未開  
攜尊又覓酒人來  
桃花紅雨欹成陣  
柳眼青青古寺隈

聞家耿言

何事睂鋒鎖未開  
家書新自廣陵來  
館娃已作揚州土

斜雨酸風上楚臺

于園亭子碧琅玕知是當年大將臺  
莫向鐘山淮水望幾回悞却舊長安

禹山

夏王宮殿石門開金碧曾經付劫灰  
桃瓣繽紛花落頽墻白日老狐來

石城瓦礫著山顛蜥蜴奔馳破廟前  
無數髑髏荆棘裏夜來鬼火下平川

但有飛花伴夜燐簷前蝙蝠舊車輪  
欹斜石城蒼苔滑不見清明羅綺人

秦兵十萬擁湖沙一夜西風散暮鴉  
近日僧魂無處所

讀史亭詩集卷十五 七言絕句上

十九

春花堆裏憶袈裟

嵩山僧

曾聞中嶽雲深處天外雄風掛野猿  
我欲騎龍絕頂上崑崙西去見河源

三鴉路斷入弘農藍縷袈裟第幾峰  
萬壑松門石徑小六時白業對芙蓉

沈家橋

新雨泥沙半沒橋觀門榆樹築烏巢  
老驢莫下麥田去黃口雛兒怕阜鷗

西庄大水

桑田一望水瀾瀾麥穗泥中首半垂  
黑墳猶自藏魚鼈

寡婦腰鑲待墓炊

小堰常年鋪似雲半勞間左半勞軍天吳解惜蒼生力  
一夜全漂馬武墳

高原甌脫麥難秋茅屋人家曲水頭昨日中男河上至  
長堤又報決曹州

投劾山庄已十年濁醪醉枕漢書眠不勞車馬來相訪  
門外鷗鷺范蠡船

訪梁見賓不遇

戍卒雕弓箭滿腰荒閩風雨漫蕭蕭孝廉只在郭門外  
綠柳人家第幾橋

馬雲孫靜嘯齋

康莊先生讀書處

讀吳郡集卷一五七言他刃上

十

綺疏小築簡遺簪坐擁專城書萬函無限石渠金馬淚  
龍門太史舊周南

山園雜樹振流鶯萬綠葱葱雨乍晴石丈昂藏灰劫外  
十年圍扎大梁兵

晤白二明憶乃兄

新野城南舊酒杯廿年佳勝已成灰蕭蕭車馬垂楊路  
怕有山陽隣笛來

入洛機雲髻正垂舊遊零落感交期騎驢再過乾明寺  
想見談經夜坐時

芍藥花間荷葉危不堪覩縷憶當時向來跋扈飛揚意  
半付光皇白水祠

義陽百里水潺湲禁旅長沙人未還聞說牂牁初置郡  
象兵久已掃嚴關

寄徐漢輦

車馬故人海內稀廿年殘夢岵山暉白亭風物還相憶  
篝火長楸二十圍

昨崑峰高鐵鳳鳴武關西去月三更舊遊知有黃壚在  
白首傷心老驥行

再經南塘

潦潭碧曲埜魚肥蟬噪垂楊嬾不飛犀角銷沉羅襪散  
衡陽南去鴈書稀

飲少室同見賓作

廿載離愁滿驛筒不堪老去各成翁一生半在兵戎裏  
今日長沙未掛弓

山月經秋帶晚霞幽篁石壁海棠花留君且莫出城去  
南客新將白嶽茶

讀史亭詩集卷十六

南陽彭而述禹峰甫

七言絕句下

經泌陽

以下常寧刻集

顏垣古廟草萋萋  
泌水從來流向西  
雨後羣山綠似髻  
蟬聲又向夕陽啼

泌東老楸

泌陽老樹自離奇  
龍虎身存未死枝  
夜來風雨雷霆鬪  
可似昆陽大戰時

臨安已事總堪悲  
花石君臣寢廟危  
此物中原留正統

六龍猶未渡江時

碑云紹聖二年建寺

讀史亭詩集卷十六七言絕句下

申陽憶雲和尚

桐栢山頭憶老僧  
紅崖脚下注三乘  
從君去後山門寂  
蘭若新生十丈藤

蕭王店

薦草荒岡沒馬蹄  
玉簪花下老僧棲  
逢人莫話蕭王事  
白水烟寒怪鳥啼

曾聞火德厭東都  
此地猶存赤帝符  
河北當時無鄧禹  
雲臺強半老庸奴

經上蔡

城郭蕭疎著廢菴  
離迷亂塚老樵探  
李家黃犬歸何處  
狡兔縱橫遍汝南

秋深亭午日炎炎  
槐影婆娑掛酒帘  
少婦黃頭門半掩  
南家借取北家鹽

望銅雀臺

漢業關東走戰場  
阿瞞鄴下起咸陽  
當塗未幾還司馬  
千古悲風吼白楊

寢臺依舊傍山阿  
香粉從教化薜蘿  
地下荆州思往事  
一枝烏鵲較如何

酸棗南來白馬津  
高臺插漢自嶙峋  
女郎不共曹公死  
只爲生前善負人

建安殘瓦錮三泉  
磨洗爭傳作硯磚  
不信曹家文字鬼  
猶分墨瀋到千年

讀吳臺詩集卷十六言絕下

二

邯鄲懷古

趙城實自胎秦政  
秦政還爲吞趙人  
若使武靈長不死  
未容奇貨帝西京

靈王胡服古今奇  
此義無容豎子知  
試看山河北晉後  
中原半是曠騎兒

十萬秦兵走趙時  
虎狼竟不敵烏騅  
至今草樹猶酣戰  
白日風沙捲大旗

邯鄲使者意張皇  
誰識真人酒肆旁  
始信天心留火德  
肯教卜者帝咸陽

趙家宮殿鎖莓苔  
歌舞千年去不回  
夜半笙篴彈鬼女  
君王猶自譙鼓臺

鄆城

火德未灰誰更燃南陽突起春陵烟二祖東西無定法  
鄆南爭似入關年

滿城飲袁開鴻

時予有湖南之遊  
袁以西寧道里居

威名十載隴頭雲膽破西涼回鶻羣試看城外蕭關月  
至今猶憶冀州軍

過方順橋哭夏恭來

上元燈火一尊初廿載交情桑海餘路入山陽腸欲斷  
幾間破屋照殘書

寒塘禿柳鎖嘯烏老友重泉不可呼十畝荒園還牧馬  
健兒帶酒跨雕弧

黃吳志詩集卷一六上言絕下

三

強半同遊付劫灰白頭獨自過燕臺山河無恙人空老

正月梅花凍不開

同遊李孝源張箕疇  
王九五今惟予在

凌雲壯志困諸生四海交遊愧爾情保定西來尋旅店  
往年別墅是軍營

尹村再看王孟津畫石

相公潑墨抹雲根元氣氤氳丰骨存爭似平泉一片玉  
贊皇貽累到兒孫

斜日荒岡雪半封投鞭下馬拜芙蓉燕山不少南遊客

錯認杭州郭外峰

先生筆墨妙如神南渡鈞衡說孟津六代金陵流水去

貌山爭似貌麒麟

後有盟津前太倉國朝盛事屬諸王可憐建業紀元日  
依舊花網說汴梁

長安古道重經此壁上烟雲二十年生死交情星物散  
白頭立馬獨潸然

奉使剛從秦蜀歸中台星已失光輝精靈五岳應難散  
時向孤村壁上飛

長沙送傅同野歸孝昌

十年繫馬大洪山憔悴支離鬢已斑流落荊州空下淚  
一江白露送君還

尹村真原寺遇慶雲僧

西山晴雪捲啼鴉寥寂寒烟四五家紫陌琅璫浙瀝夜

黃真乃詩集卷一六七言絕下

四

露林落月滿袈裟

丙申春過內丘南圓津菴

晤印亭和尚讀  
覺斯先生遺墨

登臺彌望旅魂清積雪平原一聲鳴嵩洛文章邛上月

墨花常照內丘城

廿年底事感前遊車馬勞勞竟白頭再過招提誰更識  
青松自護藏經樓

黃梁祠

往來車馬織如梭萬古繁華枕上過何事盧生偏授枕  
世人無枕夢還多

仙祠碧瓦對叢臺楊柳烟深春又來月落南城歌舞罷  
仙人枕上夢初回

送徐漢輦之白亭時予亦遊楚

芒鞋路出岵山東二月桃花斷續紅  
倉猝更憐新雨散  
瀟湘南去見征鴻

石塢殘梅落舊枝故人歸騎曉風吹  
家山岸峩雲深處  
夢裏丹崖喚子規

家園晤董心水

夜半軍書下武昌琵琶洲上陣雲黃  
興亡南北眞殘夢  
往日江山剩酒狂  
三山黃葉萬羅秋  
十載江東感舊遊  
白水相逢春又盡  
殘花暮雨過南州

瑩潔園

丙申四月

讀皇朝詩集卷十六七言絕下

五

小園曲檻一泓幽紅藥翻階綠竹稠  
暮煙寒楊柳路  
鶯聲恰在水西頭

飛盡楊花燕麥翻十年舊夢落平原  
殘軒老蕙深相待  
離亂傷心不可言

蜀僧大澤九十相逢沙陽隄上

九尺身軀九十人腮毛尺許更無倫  
憑君欲問青城路  
擬向玉皇稱外臣

成都西去逼流沙積雪寒生六月花  
問爾何年離故國  
過餘甲子更無家

佛是西偏爾却東山河大地一宗風  
瞿塘雨色夔門月  
只在孤筇想像中

過約價口弔譚擬陶

鳳凰山上酒盈卮藍縷相逢草昧時  
藝苑飄零詞賦盡江山寂寞柳垂絲

雨中興國寺酌劉大旂

觚稜古瓦帶青籬鸚鵡聲喧烏柏枝  
怪是愁心江雨暮卽官湖上酒盈卮

殘碑風雨照精廬苔蘚何來蝕篆書  
聞道年豐香稻賤一時價重武昌魚

簾州卽事

長江彌日雨沈沈一曲人家楊柳深  
隔岸孫曹餘戰鬼千年青火照烏林

衡藩卽酌將軍

夜半新粧出畫樓琵琶按部譜涼州  
衡陽怕有南來鴈錯認笙歌醉故侯

天上歌喉掌上身梨園占斷幾回春  
大娘未死秦青在閱盡繁華是此人

栢坊

清湘兩岸綠如鋪碧水中分好畫圖  
顏柰扁舟忙裏去春山欲盡鷓鴣呼

問飛來船

有引

飛來船在衡嶽南天門外子庚宣  
登嶽爲偈付曾疑其飛去數日大風  
雨忽不知所在湖湘間

傳爲異事丙申復過衡邑問麓下居人船果烏  
有矣爲此詩以訊山靈

空山雷雨奮孤舟化作神龍不可留天上銀潢不用棹  
如何搜取到山頭

繫馬湖湘已六年遊踪半在祝融巔重來無復懶殘在  
不獨南天門外船

偶因霹靂錦帆開誰謂凌雲去不回我欲征南通五嶺  
樓船好逐伏波來

我詩未必速君去君去似當因我詩寄語南陽韓吏部  
雲開自此不爲奇

### 寄破門

讀聖詩集卷十六七言絕下

七

秋風江上暮雲屯書寄衡山老破門遶樹名花思舊客  
多應憔悴海棠魂

過衡麓清涼寺憶寂虛和尚

子丁亥及唐寅兩遊此中  
今丙申秋又至僧化矣

君遷樹老鷓鴣啼墨食蛛絲感舊題鹿苑飄零香積冷  
祝融峰下白雲低

訊破門

有引

破門住石船下予前衡山記有云船有時飛去  
如老僧頭顱何船于是年飛去破門無恙書此

訊之

船去不應爾獨留屠蘇剩得老僧頭金剛未碎慈航杳  
莫上祝融觀海樓

李皓白來衡山隨筆二絕

戊戌初夏

食盡蹲鴟兩鬢蒼  
祝融紫蓋霧茫茫  
繩床丹竈白雲裏  
不把長生授始皇

采藥衡山兼負薪  
朱陵暫作武陵春  
靈武功成君莫羨  
長源終是假仙人

雁峰訪破門

筍輿詰曲入芊眠  
怪有招提著樹巔  
萬箇蒼筤新雨綠  
白雲一縷是茶烟  
僧樓斗絕倚山根  
檻外芙蓉帶雨痕  
自笑山公無政事  
一行出郭便黃昏

雁峰下晤秀栢僧

白雲輪困鎖禪扉  
短竹蒼藤水一圍  
怪是啣泥雙燕子  
聽經帶雨傍人飛

戊戌正月遊清涼寺

有引

衡山北郭精舍一區  
林篁翳然佛鉢因依  
予自丁亥及庚寅兩遊  
其地與靜者寂虛友善  
別來忽忽又七八年  
歲在戊戌予復以朱陵  
使者來則寂虛泥洹久  
矣相傳其白緹藏處距  
茲凡一由旬莽莽荒穢  
不可去乃爲詩四絕以  
付弟子寄慨焉遊僧蠕  
蠕卒未有識予者噫安  
得不重念寂虛哉

曩年車馬滯山門  
坐對毘黎看雨痕  
一去流沙終不返

林間青雀幾黃昏

唱和詩

祝融脇下譜精廬夾磻溪聲濺佛書此去定生山鳥怪  
近來解向市城居

衡山高處與天齊曾向峰頭聽曉雞近日山中茶稅苦  
祝君莫向此中棲

怪是青鞋不入城雲囊又懼往來兵莫把烟嵐驕府主  
年來官長服黃精

雲母平分下紫駝青山割據老僧多湘川爭似江東水  
霸業烟寒付楚歌

蘇山絕頂

讀史詩集卷十六言絕下

九

黃葉蕭蕭萬壑翻楚山歷盡此山尊遙看五嶺東南盡  
欲把羅浮作子孫  
一抹芙蓉仙佛鄉祝融回首見蒼茫靈山慣作長生宅  
不比中原作戰場

臨武北馬侯山

漢將征南過楚分山頭駐節至今聞勳名不列雲臺上  
何事蠻荒獨憶君

伏波威畧重南方兩度軍書下洛陽不謂交州多薏苡  
空山俎豆爲誰芳

赤石司

十里山岡九十盤還從木末俯驚湍離離紅葉河邊女

亂踏雞欄看宰官

常寧北留別吳正持

以下攸縣刻集

黃茅嶺上醉征塵咫尺關河萬里身  
足馬昆明君莫笑  
白頭偏欲畫麒麟

金馬碧雞六詔城通侯自此屬書生  
還看勒柱流沙外  
萬古西南不用兵

戊戌冬予以觀兵一至白蓮山閱明年己亥又復  
至柳適喻子孝廉來訂重遊已許之矣驅車西歸  
匆匆未果書此寄謝白蓮

蓮花頂上孝廉居雞犬雲中識舊廬  
莫羨旌陽拔宅事  
金銀宮闕更何如

讀吳詩集卷十六言絕下

十

道左題書謝白蓮仙源有路夢相牽  
再來欲向青城老

莫學衡山頂上船

衡岳頂飛來船為余  
題詩飛去事在辛卯

西風嫋嫋捲朱旗  
恥向蓮花訂後期  
世上交情無久暫

青山半面是相知

讀朱五溪來書憶及舊事

亂離把臂共酸辛  
萬死餘生賴此人  
許大滄桑轉瞬過  
新亭舊淚滿江濱

底事傷心問甲申  
元黃戰血膩征塵  
江東王氣天心去  
惹得兒童說孟津

祁陽寄李將軍

離亂交情十五年  
零陵歌舞散如烟  
重來欲覓曾遊處

雁斷浯溪黃葉天

眞看蟻蝨長兜鍪子在芝山我靖州差爾圍城一百日  
苦將雀鼠易封侯

長沙晤楊岫青廣文

庚子

以下滇黔集

青宵羯鼓醉燈花况是城頭隱暮笳我欲憑君尋屈賈  
才人流落是長沙

沅州四首

沅州楊柳帶虹橋日暮山深喚百勞客去滇南一萬里  
雄風得似霍嫖姚

枇杷樹裏鷓鴣鳴江上離觴送客行聞說蘭滄堪飲馬  
瀘江為問武侯營

讀史齋詩集卷十七言絕下

十一

舊遊曾記在江鄉鐵甲塵兵幾戰場今日滇黔歸正朔  
斃牛寶布溢蠻方

沅州有路下牂牁再見將軍馬伏波畧地還須交趾外  
狼隍鞞國入饒歌

靖州贈高將軍時君將卜居襄陽

將軍唾手靖黎平鐵甲霜寒萬馬橫贏得黃金如斗大  
歸來共醉漢陽城

戰伐雄名二十年草木兵聲下楚天猶記湘東橋上事  
萬人敵裡着先鞭

饒歌有

皇清得天下十四年先是以滇黔險遠王師未收今大

兵三路進以順治戊戌春進兵四月十八日抵  
黔次年己亥正月三日復滇詩作於長沙舟中  
乾坤混一屬 皇清忽報滇南一鼓平此日應開平樂  
監屯田早過貳師城

兵威遠過大荒西談笑山河盡碧雞從此燒當傳校尉  
任教畜牧到渠犁

哀牢山下血花斑姑墨莎車只等閒都尉還開西海郡  
君王莫閉玉門關

天南鼙鼓戰雲昏鞞國文狼各斷魂卻笑燉煌持節者  
至今猶未識崑崙

黔中地接楚山橫歲苦苗祖供老兵練甲戈船邊報急  
塞笳飛入義王城

讀史金詩卷六十七言絕下

三

神槍象背走梨花血戰屠耆日已斜莫話衡陽橋上事  
大軍今已逼流沙

壯士昆明慘不驕益州王氣黯然銷公孫自棄夔門險  
悞國無如鐵鎖橋

臥榻曾聞睡正憨王師半壁下西南宗周已盡蕞狐聚  
可許姬嘉祀子男

五華山下鬼啾啾西下蘭滄天盡頭史冊莫書南宋事  
崕山亦是舊神州

金沙一望氣模糊平緬麓川今有無入駿還看穆滿去  
曾無寶玉鬪河圖

貴州送張龍涵之官宛城

客中送客倍思鄉，莫惜金尊倒夜郎。君去試看白水上，東都將相半南陽。

君去中州我入滇，鄉關萬里夢相牽。因君好寄平安字，家在青山白水邊。

太白南陽詩青山環北郭白水遠東城

平壩西天台山

道傍山脇出危峯，馬首寒雲一望中。何必阮劉能到此，層霄開遍萬芙蓉。

黔中也自有天台，石磴峻嶒平壩隈。雞犬真從雲裏下，飛梁絕壁老僧來。

筠竹寺庚子長至同左轄李嵩岑驛鹽史質輔屯

讀文選詩集卷十六七言絕下

七

田蓋封之諸君遊出昆明城北可十里寺在山腰  
俯瞰雲城雉堞歷落伸手可捫二子始起始騫隨  
侍

十圍梅蕊從中吐，三丈牡丹何處來。遶屋流泉奔響寂，松陰更傍石門開。

無端香積帶屢屨，憔悴寒山自一時。斜日風鈴傳寺角，群花競發向來枝。

千盤石徑晚松低，萬卷靈文霄漢齊。鐵馬銅駝思往事，山僧莫話永昌西。

六詔凋殘舊戰場，青山無恙一松長。王孫老去仁祠在，頗耐興亡是夕陽。

滇曲四首

絕塞桃花沫若春經年司馬倦遊人漢家新置犍為郡  
不許沈犁稱外臣

髦牛笮馬古西偏勳婢今耕塞下田莫向中原比廣大  
鑿開混沌是張騫

曾聞身毒帶西滇蒟醬筇枝大夏前益斥零關八校尉  
當羗今是入朝年

桐師東下絡斯榆略定西南剖帝符建節中郎王副使  
威名得似潁川無

別滇友之粵

辛丑二月

分手昆明倍黯然鐵橋南去柳如煙金沙戰鼓雪山夜

黃芝玉詩卷一六七言總下

西

莫問君王少府錢

花馬城東柳色寒一官萬里幾回看轉憐舊地時囂在  
更覺良朋遠別難

鯨海龍荒指顧收鳴鞭今過海西頭嶺南風物齊州外  
夜半星辰地上浮

銅瀨風高黑水寒離筵載酒莫辭歡珍州南下蒼梧遠  
山色爭如不共看

別璞函

良朋送我過東城水上桃花陌上鶯歸化寺前青麥浪  
不堪重聽鷓鴣聲

楊林別友

春風無賴夕陽斜開遍棠梨幾樹花也有勞勞車馬客  
停鞭一啜大華茶

憑虛薄暮萬山低芳草垂楊綠正齊異日并州回首處  
故鄉多在曲陽西

無端社燕弄春暉倒捲楊花入翠微更是松濤千壑沸  
却教別淚溼征衣

鼎湖詩

鳳曆編年十八秋山河指顧誓金甌可憐鼎就龍昇去  
戰馬猶餘黑海頭

元菟朱崖暨朔方樓船鎧仗兩相望茂陵衰草秋風夜  
猶聽嵩呼少室旁

過鐵橋二絕

讀皇詩卷十六七言絕下

五

鐵橋黑水舊知名天險曾當百萬兵試問臨邛持節客  
當時何路入昆明

萬山壁削哈呀裏怒石橫江雪浪時蒙段山河流水去  
此情惟有鐵橋知

沅州贈徐兆興

河北將軍握虎符偶然借箸到南都壺頭山上五溪月  
舊照征蠻跨馬圖

破門忽來自衡山共醉伏波山下走筆三絕

十年兩上越王臺百粵山川更酒杯莫謂衡陽真斷雁  
秋風先送破門來

石船飛去在何方  
船下山僧舊草堂  
今日蒼梧還對酒  
可憐頭白漸如霜

別來衡嶽已三秋  
飄渺真同夢裏遊  
獨秀山間今遇汝  
始知衡嶽是并州

粵閩司廳事古松  
同胡德輝黃抑公為張一卷賦  
長松鬣鬣捲秋雲  
領袖蒼梧獨有君  
卻笑秦人封不到  
可知大樹屬將軍

西粵送劉心一移師鎮遠

秋山黃葉動旌旗  
浴鐵霜寒草木知  
近日夜郎成漢縣  
此行重勒武侯碑

澗水南來接五溪  
山連銅鼓草萋萋  
提師早過金沙外  
可許論功大夏西

讀史詩集卷一六七言絕下

十六

辛丑閏七月小飲獨秀山下  
同胡德輝黃抑公兩  
司長即席為書荆山便面

雄名自昔跨涼州  
况值侯封更虎頭  
壯畧還看開九郡  
即今內地是炎洲

西粵送楊將軍崑伯之番禺

離戈此日靖波臣  
九尺梨花百戰身  
鱷浪即今看盡息  
本朝王會過朱垠

楊僕初聞下瀨艫  
飛鳶跼跼墮蠻江  
貢來南越鴻臚館  
生翠還看四十雙

獨秀山

便將拳石峙孤峯百粵山川爾獨雄  
歌舞臺空羅綺散  
年年秋葉下梧桐

參天百丈削芙蓉不合王孫貯後宮  
朱邸繁華銷歇盡  
丹崖翠壁野棠紅

秋日聞李鑑湖言漢口藥僧最愛予書走筆二詩  
爲寄

廿年遊楚愧霜蓬悔未廬山識遠公  
何日淵明還載酒  
蓮花一醉漢陽東  
生平酷愛只名僧五嶽峰頭幾度登  
一葉同看六代月  
兩花飛處是金陵

寄全完吾柳州

讀史詩集卷十六七言絕下

十七

遼陽鐵馬舊知名百戰功高嶺外平  
聞道安南新入貢  
可知飛將在龍城

三韓組練佐龍興唾手崑崙一鼓平  
此日山河還白馬  
璽書早下越王城

送盧用章歸里

蕭蕭黃葉送行舟歷落一生今白頭  
李蔡爲人中下在  
古來善戰不封侯

七星巖

巖在桂林城東傍灘江岸連綴七峯  
孔穴稱最  
初入如大厦數間秉燭而進長可十里  
或如宮殿人馬或如刀劍戶牖奇怪譎  
種種不可思

議之物罔不具造物者誠勞矣聊賦三絕

灘江石岸自逶迤雲母胎銅幻作姿聞道阿房宮闕盛  
只如秦火未焚時

河圖海貝滿屣屣變化靈巖匪所思竊喜名山還愛惜  
溪藏不令市兒窺

神工鬼斧鬪梁恩羅列琮璜大貝時禹貢九州方物外  
獨畱寶氣照南陲

尚紫雲有燈上麗人作和二絕

羅幃金屈乍生香姊妹花間第一行莫向伏波山下走  
恐人悞指舊椒房

酒闌花謝露為霜傷盃何緣舞袖傍似有歌聲來座外  
就中若箇是周郎

讀聖詩集卷一六七言絕下

十六

壽謝將軍

江東子弟舊烏衣白鼻雕鞍橫槊飛萬里邊陲無戰伐  
霜天紅葉獵禽歸

殺賊誰能更賦詩侯門將種羽林兒幽并部曲嶺南道  
手撰鏡歌馬上吹

豪猪鞞子豹花裘十丈蓮花照粵州鞭底珊瑚金勒馬  
况逢高帝好封侯

爛熳兵書五十家偶隨長劍到天涯清霜一掃黃家嶺  
都護新乘獅子花

偶讀昌黎桃柳詩忽有作

壬寅古田

故園空負幾年春  
二八紅顏翠黛頻  
一去昆明三萬里  
無情最是宦遊人

綠楊飛絮別江邊  
淚染胭脂溼畫船  
玉塞金沙人更老  
深閨無復問流年

聚襟巖城記古田  
無端若有夢相牽  
叮嚀耳語知何用  
嶺外題書雁不傳

飛花拾翠憶南園  
醉裏笙歌欲斷魂  
老去邯鄲還入夢  
獨憐春色怨黃昏

昌黎桃李豈無因  
獨有娉婷憶遠人  
世上蛾眉真薄命  
幾人能占大官身

別後郎當不可支  
玉蟲金粟兩迷離  
春華歲歲催人老  
馬上征人知未知

讀史詩集卷十六 七言絕下

九

明珠灑淚說干戈  
老大逢君離亂多  
料得封侯還有日  
妾年不待意如何

每向妝臺憶老奴  
十年九過洞庭湖  
生平要上麒麟閣  
陡覺歸來雪滿顱

### 永寧口號

山城正月自飛花  
桃李紛紛若個家  
羯鼓元宵人不臥  
銀環粉面鬪琵琶

搗箏擗鼓笑顏開  
跋扈飛揚獅子來  
木客魂搖山鬼避  
平身踴上越王臺

紅顏二八采山茶  
半是山腰半水涯  
昨日巫臺雲雨夢

髻間粉蝶任橫斜

廣州木履着新成我欲尋郎無姓名結隊連肩榕樹下  
當歌細聽僮兒聲

聞黔中觀察信予以順治戊子填撫此中閱康熙  
癸卯十六年矣

十五年前此舊遊高牙大纛照黔州驛亭如故劉郎老  
惹得山花笑白頭

汛掃欃槍十萬兵勲名自我隨垂成滄江一臥年華去  
猶向三苗嶺上行

蒼梧別友

以下續  
滇黔集

猿臂雕弓左右彎軍中白馬賀蘭山雄風唾手安南國

辦取通侯髯未斑

讀史區詩集卷十六七言絕下

二十

興朝將相果無倫鐵甲霜寒九尺身血戰歸來還露布  
佇看投袂上麒麟

送趙振判鎮安

新野人

何來藤峽碾車輪象郡荒寒塞樹昏暮雨鷓鴣啼不住  
看君匹馬奪崑崙

昭平南尚書祠

灘江東下尚書坊碧瓦朱楹薜荔墻香火依然無姓氏  
老烏日日送風檣

丹雘蕭條古澗垂夕陽老樹護殘碑估帆上下畱蘋藻  
堂上衣冠竟是誰

新寧左家庄

萬山綠學氣蕭森石徑荒涼竹嶼溪土銜柴門黃犢健  
癡兒猶自狎山禽

君遷樹下好池塘種得嘉魚半尺長舉網還須車馬客  
經年七箸不曾嘗

會同贈何令調之題公署壁

今諱林  
山陰人

郵亭古樹積桐柯介馬曾經夜半過往日長千人不識  
老兵略記會同河

匆匆此地又逢君三載離愁五嶺雲猶恨不登岷屋寺  
鐘前黃葉下紛紛

陣雲夜捲五溪時獨擁旌旄十萬師勒石磨崖成底事

多君刻我戰場詩

蒲江左詩集卷十六七言絕下

十一

貴州送滇令聶聯甲歸蜀

握手昆明已四年逢君此日下西川花開蜀道鶯啼早  
莫信連山只杜鵑

益州霸業古來偏猶記成都割據年劍閣崢嶸嶺連白骨  
庸才豈獨是劉禪

送江川王令和曲林守歸江東

十載遊裝西海頭金沙鐵馬碧鷄秋檳榔爭似江東米  
一葉孤飄白露洲

與君把臂醉昆明此日巫黔百草生萬里良書江右去  
祝君莫過石頭城

三年別汝倍含情  
黑水蘭滄鐵馬聲  
邂逅泮柯還雨散  
一帆春水建康城

春風弱柳五溪舟  
一線中通萬里流  
此日東南無戰伐  
滿船簫鼓下揚州

小箐

王師征水西時予由黔皋奉移  
滇藩之軍中道上即事之作

六月單車小箐中  
萬山綠學鬪殘紅  
不知何處清商發  
十部笙歌別院東

十丈黃泥帶板橋  
半沒馬脊半人腰  
水西六月勤飛輓  
菽麥餼糧滿袋挑

崗中羅列見樓臺  
丹雘依然石壁開  
百丈懸藤牽不上  
官兵何自解飛來

黃芝亭詩集卷一六七言絕下

五

健兒力疾負官糧  
百里山程粟一囊  
自古輿圖連腹裏  
敢云羅甸是邊荒

西南詞贈袁天罡

髦牛江外若水渾  
倒捲牙旗拜至尊  
越巂何年連舊郡  
草間山月醉黃昏

朱提縣外瀘江西  
十萬雄師駐馬蹄  
算來不及蜻蛉戰  
一時鼓角到雕題

博南山下渡蘭滄  
琥珀珊瑚兩相望  
當年解甲十餘萬  
不遣鈎蛇在道旁

秋日重過水南寺

荏苒韶光又五年  
夢中曾記舊遊滇  
白首老僧猶念我

門前流水尚依然

石橋流水帶斜陽  
贏得山僧午夢長  
猶記往年曾到此  
紫薇花下醉迴廊

五嶽祠

溯洄亭午出孤村  
映帶湖山即寺門  
中有青松間雜樹  
滿堂鐘磬易黃昏

方塘楊柳帶城隈  
老革籠東騎馬來  
何處西隣偏醉酒  
酣臥繩牀門未開

七月廿六日送大軍之蒙自

馳驅戰馬雨霏微  
壯士南征載鐵衣  
饒有秋風歸去好  
征鞭急着早鴻飛

廿八日別昆明作

讀皇詩集卷一六七言絕下

五

雲南附郭承恩寺  
兩度同官送我行  
杯酒闌珊人更老  
何人躍馬復西征

白頭流涕板橋霜  
知已難逢淚幾行  
我去家山歸夢穩  
莫教羽檄到南陽

暮年知已易蹉跎  
殘病相尋且放歌  
西節魯山堪自臥  
未容車馬一相過

別公珍

誰向長沙問布衣  
當年唯爾坐漁磯  
昨日相逢鐵佛寺  
一村燈火出熹微

附  
三言古

湘南寺

在南天門下一里

江寧刻集

南望湘重徘徊山壘豐失崔嵬瞰湘流只一杯  
艤岸久不肯開蒼梧雲白皚皚松風響萬壑雷

彼岸亭

在中山南樹王下

日出遲客行早露華滋白石皓蒼龍盤赤蛇矯太古雲  
無昏曉

茅坪道中

自中山西首爲桂府道場

火傘張深山暑下懸崖萬丈許石雞鳴鬪山塢毛鬣鬣  
或飛鼠西窗外柚樹巨紅果垂如赤琥鮮可摘薦佛祖  
楚王孫在何所

丹霞寺

讀聖詩集卷十六三言古 六言絕句

三四

丹霞寺望衡州湘九折灣如鈎風淅淅鬼啾啾海棠發  
滿山取倚竹笑帶雨愁恨不見李鄴侯

廣陵道

廣陵道紛羅綺紈袴兒黃金子百壺珠換小婢白雪飛  
燕子起艷華盞剪蘭蕊主人醉葡萄美臨春臺但殘壘  
風流墜妖姬死秋露肥凌葵藹江都夢竟誰是

六言絕句

紫金山

家集

塔下犍牛眠草門前石虎撲人班鳩晴猶喚雨白骨夜  
來成燐

麥風吹散桃花酒氣鬱成戰壘天旣無勞生瑜士亦何  
須始隗

王猛終成一隅諸葛枉就三分英雄多留未了笑他聚  
訟紛紛

秦關自古多塵塞上何日無馬典午豈料平陽宋禍不  
由西夏

蝴蝶憑風上下蝦蟆入座喧譁道人編鬚尺許客來手  
供南茶

經年讀書忘倦連日不飲成疾舊遊忽憶南岳夜半祝  
融看日

漢禍全貽黨錮宋亾已釀熙寧山河雖然易主老成不  
在朝廷

林甫就終牖下蔡京自死潭州天網原多疎漏曾聞作  
惡日休

觀音寺

榮木臨風欲語黃鸝帶露初來糟氣似聞香積鉢魚莫  
是尊壘

屋角種桃如蘭道傍牧豕不羸剩水白魚狼藉羸提可  
飽一齋

池邊柿樹成蓋籬外牛蹄過橋一枕佛堂初覺斜陽已  
到殿腰

伐鼓爭驅魃鬼徵兵欲下南蠻何處六月無暑前年我

在衡山

詩餘

憶江南

卽事二首

江寧刻集

廉纖雨一夜杏花殘遊子山中驟裏溼長河曲裏杜鵑  
寒遮莫獨凭闌

曉起處雀噪小汀隈怪底林花猶踏雪如何園笋未抽  
雷人自濁河來

行香子

懷子澤

嵩岫巒岈洛水潺湲跨驂騮塵滿朱顏麥風搖浪梅雨  
拖烟歎雲霏微花歷亂鳥綿蠻塵土摧殘旅鬢闌珊  
盜如毛馬策刀鋸與君共轡歷盡間關痛螢火飛墓草

宿劍光寒

江城子

春懷

百花洲上柳絲柔望南洲淚長流霧髻烟鬟長鎖夢中  
愁大別山頭杜宇血老去也對筇篻近來頗覺雪凝  
頭酒添籌戲藏鈎簾外鶯聲睨曉語朋儔無那春風都  
是恨芳草岸岳陽樓

金人捧露盤

憶舊遊

看花來憂花去愛花紅正西山烟雨濛濛承天門外繡  
袍錦帶馬如龍當壚買醉小亭北細唾雕籠棘藜叢  
銅駝陌金仙淚露盤中烏衣巷無復江東五侯七貴西  
風一葉響梧桐海青嘹唳笳聲起淚灑英雄

千秋歲引 懷舊

楚國江干粵南地角畧記當時傾乳酪朱門漏沉絃管  
送白苧風翻琥珀落智高臺佗尉壘交相錯 無柰嚴  
飈吹絮薄無柰夢魂繞池閣一葉北來吊黃雀問騷人  
枚叟去梁負奇氣賈誼生洛白頭催青衫溼悲歌作

驀山溪 自敘

汾陽橋上春綠流鶯語傀儡笑當場跨款段曾無寧宇  
鐵騎如簇突入舊漁陽銅馬贖御河渾際淡梨花雨  
南遊避地一旦同飛絮攜手老尚書亂軍中雕弧滿路  
鶯花謝了歌板舊金陵朱雀桁景陽樓衰草斜陽暮

滿江紅

飲友人淑憶  
江漢語子

讀皇朝詩集卷十六詩餘

五

江漢先生建雙戟南床呼白畧記得絳帷羅列傳經多  
客作賦曾登王粲樓反騷一吊靈均宅魯諸生送我過  
襄陽淚前席 到今日十年隔空悵望楚天碧歎半生  
潦倒九霄摧翮猿臂將軍舊姓李雀羅門巷今稱崔再  
何時飛過洞庭湖吞夢澤

滿庭芳

春酒獨酌

春雨廉纖東風尖側樹頭烏訴黃昏一杯孤酌往事動  
心魂憶昔長沙寶慶銅鑼響賊壓崑崙那堪更猺人苗  
女蹂躪五谿渾 幕中出勝算雕弧羽箭斬馘紛紛歸  
來和漣乳飲至策勲而今十年去也頭白了曩日軍門  
權撤下雕蟲老蠹斗酒對孤村

水調歌頭

清明

二月行將盡節序逼清明  
昨朝騎馬西舍春酒醉宜城  
芳草爭青南陌燕子初來華屋此處幸無兵  
短鬢禁灑酒老去淚縱橫  
平陽墳汾水驛鐵戈聲歸來千里旅  
襯有子愧成名屈指近當寒食插遍新墳楊柳杜宇血  
三更翹首禹山道腸斷若為情

又憶兄

文杏飛殘雪楊柳織初鶯  
當時峴首南去作客夫人城  
歌聽銅鞮冶女醉看撥離太守連袂走難兄  
羣盜紛如蝟江漢嚙長鯨  
我羈旅君歸去各飄零一朝君去泉  
下有弟獨吞聲十七年來一夢每遇東郊寒食風雨不  
勝情伯道復無後天意不分明

讀史亭詩集卷十六詩餘

天

讀史亭詩集卷十六

終

